



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Theologia Moralis

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1714**

Q. 79. Quid addendum sit circa impedimentum voti.

**urn:nbn:de:hbz:466:1-42682**

Putavit quidem *Fachin.* posse exheredari prolem ex similibus vel majoribus causis, quam habent, sed rectè contradicit *Krim.* à nu. 496. quia Jus expresse restringit potestatem exheredandi ad has tantum causas: sicuti privationem asyli restrinxit *Greg. XVI.* ad illa tantum 8. crimina, quæ recensui l. 4. n. 1394. ideòque ad alia etiam majora extendi non debet. Putat tamen *Molina* d. 176. posse *Remp.* condere legem, secundum quam talis proles exheredari posset in certis casibus, nempe illis, quibus in hoc negotio tenentur sequi consilium parentum. V. *Kugler* à n. 695.

§. 4. Si proles petito consilio parentum, contra horum voluntatem ineat Matrimonium, non ideo potest ei negari dos, communis cum *Sanob.* l. 4. d. 26. à n. 16. *Gob.* n. 110. *Krim.* à n. 400. Ratio est, quia volenti nubere debetur dos, tum ad alimenta, & sustinenda onera Matrimonii, tum etiam, ne mulier indotata spernetur à viro, uti habetur in Jure apud *Krim.* n. 400. nullum autem Jus dicit; prolem ob adductam causam posse privari dote: Imò licet nuptæ indigno, non ideo posset privari alimentis necessariis, L. 5. §. *Si vel parens.* ff. De liberis agnatis. Dos autem & alimenta æquiparantur in Jure. Porro ille solus censetur accipere indignum, ex quo redundat dedecus in familiam, vel infamia in accipientem. Vide *Krimmer* n. 503. & *Kugler* à n. 139.

Q. 79. Quid addendum sit circa impedimentum vocat. §. 1. Deus permittit Sacerdotibus & Levitis antiqui testamenti Matrimonium, ejusque nullum, saltem extra annum suæ vicis five defertionis, cum enim non fierent Sacerdotes aut Levitæ, nisi è tribu Levi & domo Aaronis, ne



Levitarum genus deficeret, reparandum erat per Matrimonium. In nova lege Græci sacris ordinati etiam licite utuntur Matrimonio ante subdiaconatum contracto, uti declararunt varii Pontifices apud *Arcud.* l. 7. c. 33. Votum tamen habent cœlibatûs post primæ uxoris obitum, *Arcud.* c. 43. ubi etiam notat Episcoporum uxores debuisse fieri Monachas.

574. §. 2. An Matrimonia Græcorum, si contrahant post susceptum sacrum Ordinem, siue sint prima, siue secunda, non tantum sint illicita, sed etiam invalida, fusillimè disputat *Arcud.* eodem c. 43. & contra alios tenet valida esse, sed sic contrahentes debere abstinere à sacro ministerio. E contra invalida esse multis contendit *Pignat.* tom. 8. consult. 81. Justè autem & sanctè voluit Ecclesia, ut Latini ordinati sacris essent incapaces Matrimonii, & si illud antea contraxissent, abstinerent ab usu, uti contra Græcos rectè ostendit *Arcud.* à c. 34. usque ad 43. testimonis Conciliorum & PP. tam Græcorum quàm Latinorum: & nunc tantum loquemur de impedimento voti in Ecclesia latina.

575. §. 3. *Vasq. Az. Platus, Pont.* l. 7. c. 14. & seqq. late contendunt ex antiquis Conciliis & PP. Religiosos in primis sæculis, non obstante professione suâ potuisse validè, quamvis illicitè, contrahere Matrimonium. Et idem dicit de initiationis sacro Ordine *Pont.* c. 27. Quod Professionem religiosam attinet videri possunt dicta. l. 4. n. 3. & hic dicenda paulò pòst. De cætero certum est, nunc in *Conc. Later.* anno 1139. statutum esse, ut Religiosa professio & votum ordinati sacris dirimat contrahendum Matrimonium, uti refertur *Can. Ut Lex.* 40. caus. 27. q. 1. & idem statui-



tur aliis locis, apud Pont. c. 22. n. 4. & apud  
 De Ordine Dub. 25. estque definitum à Trid.  
 c. 24. Can. 9. Si quis dixerit Clericos in sacris Or-  
 dinibus constitutos vel Regulares castitatem solemniter  
 professos posse Matrimonium contrahere, contractumque  
 nullum esse non obstante lege Ecclesiastica vel voto . . . . .  
 anathema sit: unde videtur colligi, si Ordinem  
 sacrum suscipiens nollet castitatem vovere, at-  
 tamen ad hanc teneri ex præcepto Ecclesiæ, se-  
 cundum dicta l. 6. p. 2. n. 2161. & similiter talis  
 ex lege Ecclesiæ in reverentiam Ordinis sacri  
 redditur inhabilis ad Matrimonium, uti rectè  
 Krim. à n. 956. Estque hoc verum, licet susci-  
 piens sacrum Ordinem esset tantum impubes,  
 quia quamvis per legem Ecclesiæ non sit capax  
 voti Religionis, tamen Ecclesia non reddit eum  
 incapax hujus voti vel præcepti, Krim. n. 963.  
 §. 4. Infans validè initiatur sacro Ordine, 576.  
 ut constat ex Cap. un. De clerico per saltum promo-  
 to: sic autem ordinatus non teneretur castitate,  
 sed si vellet, posset inire Matrimonium, quia  
 nec vovit, nec ei præcepta est castitas, cum fue-  
 rit voti & præcepti incapax. Excipe, nisi usum  
 rationis adeptus suam Ordinationem expressè  
 vel tacitè ratificaverit, tum enim tenetur ad ca-  
 stitatem, & inhabilitatur ad Matrimonium,  
 Krim. n. 962.

§. 5. Ordinatus sacris ex metu gravi injustè 577.  
 & directè ad sacri Ordinis susceptionem incusso,  
 secundum Krim. n. 964. & alios multos non te-  
 netur ad castitatem, nec inhabilis est ad Matri-  
 monium, sed videri debent dicta l. 6. p. 2. n.  
 2163. nam probabilius est oppositum ob ratio-  
 nem ibi datam, quia votum illud Jure naturæ



valet, nec invenitur Jure positivo irritari, ut etiam rectè probat *Pont. l. 7. c. 29.*

578. §. 6. Qui invalidè ordinatus est, non tenetur, quia votum & obligatio castitatis ex mente Ecclesiæ tantum accessorie sequitur ad susceptionem Ordinis: Oppositum tamen dicunt *Castrop. & Krim. n. 965.* si conjuges invalidè profelli sint Religionem, putant enim teneri ad castitatem statui congruam, eò quòd profitendo Religionem, expressè voverint castitatem, ac voluerint actum suum valere, quantum possit.

579. §. 7. Per votum simplex castitatis, quod Religiosi Societatis Jesu emittunt post Novitiatum, dirimi Matrimonium, certum est ex *Bulla Greg. XIII. Ascendente Domino*, ubi ait: *quoniam omnes illos ad contrahendum inhabiles ac contractus hujusmodi nullos & irritos facimus.* Ratio est, quia quamvis non sit votum solenne, tamen quia Ecclesiæ potestatem habet ponendi certas condiciones requisitas ad valorem contractus matrimonialis, ipsa autem ponit carentiam votorum simplicium, per quæ Societatis Jesu personæ sunt Religiosi, hoc ipso talia vota habent vim dirimendi Matrimonium.

580. §. 8. Docent *Abb. Lop. Palud. Laym. l. 5. tr. 10. p. 4. c. 3. n. 5. Gutt. Castrop. d. 3. p. 6. §. 11. n. 20. Avers. q. 15. f. 3. Tamb. hic tr. 7. c. 4. §. 2. n. 9. & alii communiter contra Sot. & Pont. l. 7. c. 21. & 25.* per votum simplex castitatis, quod uxor emittit dans marito potestatem suscipiendi sacrum Ordinem, dirimi Matrimonium uxoris, etiam post mortem dicti mariti, quod videtur statui *Cap. Quia sunt, 10. & Cap. Sise. dist. 28.* ubi dicitur, ut separentur, non tantum quoad tōrum, uti putat *Pont.* sed quia deest vinculum, ut



habet ibidem *Glossa*. Et ratio congruentiæ est, quia talis uxor deberet fieri monialis secundum *Cap. Sane*, De convers. conjug. & *Cap. Agnosc.* 21. causâ 27. q. 2. ergo congruum est, ut si illegitimus sit inhabilis ad alias nuptias. Alii cum *Agg.* tom. 1. l. 13. c. 14. q. 11. & *Sanch.* l. 7. d. 40. dicunt Matrimonium uxoris in sæculo remanentis fore quidem irritum, attamen non ratione voti, sed ex constitutione Ecclesiæ, nam etsi prior votum castitatis non emiserit, si tantum consenserit in Ordinationem mariti, licet forte nihil sciverit de inhabilitate inde consequente, dicitur inhabilitari ad secundas nuptias, nam ita statuitur *Cap. Seriatim*, 14. dist. 32. & *Cap. Quia sunt*, 10. dist. 28. ubi *Glossa* ait: Si ea invitâ ordinaretur vel ignorante, non fieret ei præjudicium, sed si sciret & tacuit, sit ei præjudicium, ut post mortem illius non possit nubere, ut dist. 32. *Cap. seriatim* 14. unde requiritur, quod mulier voveat, sed sufficit, si scit votum suum ordinari. Et eadem *Gloss.* ad *Cap. Si se*, 11. dist. 28. videtur, quod sola constitutio Ecclesiæ hoc Matrimonium dirimat, non scientia vel votum. Atque in his consentit *Sanch.* Quidquid sit de hoc, unde oriatur; *Glossa* ad *Cap. seriatim*, supra ait: De qua accore prononci dic, quod eo ipso, quod dat licentiam, intelligitur vovere. Et idem dicit *Gl.* ad *Cap. Agnosc.* 21. causâ 27. q. 2. ergo reipsa videtur esse ratione voti, saltem virtualiter emissi, cui, quamvis simplex sit, Ecclesia annexuit talem inhabilitatem, uti eandem annexuit votis simplicibus in Societate Jesu; vel certè dici potest, quod in simili dixi l. 6. p. 2. n. 2161. nempe sicut suscipiens sacrum Ordinem ordinariè ex voto obligatur ad continentiam, si tamen vovere nolit, tum obligari ex præcepto Ecclesiæ, ita hic ordi-

II  
O.I  
mor.  
alidii  
Croix  
VIII



ordinariè ex voto oriri illam inhabilitatem, si autem non voverit, oriri ex dispositione Ecclesiæ. Quid autem tenendum sit de nocente manente in sæculo, si innocens post justum divortium susceperit sacros Ordines vel Religionem dixi à n. 448.

581. §. 9. *Sanch.* l. 7. d. 32. à n. 9. latè probat, si unus conjugum profiteatur in Religione, & alter velit manere in sæculo, debere non tantum facere votum continentiæ, sed etiam carere periculo incontinentiæ, alioquin teneri non tantum ingredi monasterium, sed etiam suo tempore profiteri in Religione, ut probat *Castrop.* d. 3. p. 6. §. 11. n. 12. quamvis n. 17. dicat, spectato rigore Juris oppositum esse probabilius. Tandem autem censetur manere periculum incontinentiæ, quamdiu senes non sunt, quantumcumque probæ sint vitæ. Si tamen sint senes, præsumi abesse periculum; censetur autem mulier senex, si sit quinquagenaria, vir autem, si sit sexagenarius, inquit *Sanch.* & post eum *Castrop.* n. 10. quia tum in illis cum potentia generandi communiter cessat calor libidinis. Deinde probat idem *Sanch.* d. 33. & *Castrop.* n. 14. professionem viri fore validam, si uxor consenserit, quamvis hæc in sæculo manens, & adhuc juvenis votum castitatis non emitat: attamen ad hoc prærequiri licentiam Episcopi pro ingressu in Religionem, docet *Castrop.* n. 11. contra *Sanch. Gutt. Pontium*, & *Avers.* q. 15. f. 3. qui dicunt id tantum esse de convenientia. Et si remanens in sæculo emitat votum castitatis, docent rectè *Sanch.* n. 8. *Gutt. Pont. Castrop.* n. 13. quod votum uxoris non ideo fiat solenne, nam *Cap. un. De voto*, in 6. clarè deciditur, quod votum nullum censeatur solenne



solenne in ordine ad dirimendum Matrimonium, nisi fit in religiosa professione, vel sacri Ordinis susceptione. Hinc inferunt hi Auctores cum *Averf.* tali voto non dirimi sequens Matrimonium, sed tantum impediri. Quod autem uxor viri sacris ordinati nequeat secundum dicta n. 580. post viri mortem valide inire Matrimonium, hoc dicunt esse ex speciali Ecclesie ordinatione circa uxorem ordinati, quæ cum fit oeciosa, non debeat extendi ad uxorem professi. Et contra *S. Bonav. Gabr. Palud. Henricus* & alii dicunt hoc voto dirimi Matrimonium etiam mortuo professo contrahendum, quia Cap. *Qui uxorem*, 10. caus. 33. q. 5. dicitur: *qui uxorem suam relinere permiserit, aliam non accipiat, sed similiter contrahatur*, ubi *Glossa* addit: *infrando monasterium, si puerus est; vel si senex est, contineat in seculo*, Cap. *Cum sis*, De convers. conjug. Et hic dicit *Hugo*, quod *capitulum*, quod dat uxori licentiam, intelligitur *vovere*. Hoc autem votum videtur esse simile voto, quod emittit uxor ordinati, quod secundum dicta n. 580. Matrimonium dirimit, & talis vir ingrediens monasterium etiam sæpe ordinatur, ergo votum uxoris in seculo manentis habet subreptum similem vim dirimendi, & propter hæc, posterior sententia etiam est probabilis, quæ dicit hic non esse extensionem legis, sed in ultimatione prudente velut identitatem casus respectu ejusdem legis.

§. 10. Si *Titius* hæreticus Ordinis Teutonici ritum hæreticorum fecerit solitam professionem, non ideo fit inhabilis ad Matrimonium, tum quia non est vera professio religiosa, sed tantum inanis caremonia, tum etiam quia non inten-



intendunt se obligare ad continentiam, neque Ecclesia ipsis eam præcipit.

583. §. 11. Thomistæ communiter, *Henriq. Valent.* & alii, quibus videtur favere *S. Th.* in supplement. q. 53. a. 2. O. putant voto solenni Jure naturæ dirimi Matrimonium, eò quòd res Deo per votum tradita non possit tradi homini, sed probabilius est oppositum eum *Scoto* & *Scotistis* omnibus, teste *Mastio* n. 116. ad quos accedunt *Gerf. Abb. Caj. Az. Bellarm. Sanch.* l. 7. d. 26. *S. Bonav. Less. Cón. Regin. Hurt. Dicast.* supra, *Krim.* à n. 446. *Avers.* q. 15. f. 1. & alii, quia obligatio Religionis non pugnat cum superveniente obligatione justitiæ, uti patet in obligato voto simplici castitatis, si Matrimonium contrahat, Deo enim ex Religione obligaverat corpus, quòd nihilominus etiam validè ex justitia obligat conjugii. Si dicas, votum solenne habere actualem traditionem corporis respectu Dei, quam non habet votum simplex: *Contra est* 1. nam multa vota simplicia etiam dirimunt Matrimonium, uti patet ex dictis, ergo talia saltem habent respectu Dei actualem traditionem corporis. 2. Ideo votum solenne est actualis traditio, quia per illud homo abdicat se jure utendi corpore, sed per quòd vis votum simplex etiam abdicat se homo jure utendi corpore, quia nullum in tali homine manet, nec unquam est in aliquo jus ad actus illicitos, ergo. Confirmatur, nam Pontifices dispensare possunt cum professis ad ineundum Matrimonium, uti dicitur n. 829. ergo figuratum est, quòd professio dirimat Jure tantum ecclesiastico, solennitas enim, ob quam præcipuè est vis dirimendi, juncta est votis vel Ordini solo Jure ecclesiastico, uti rectè *Krim.* à n. 446. §. 12.



§. 12. Sicuti votum profitentis in Religione 584.  
 impedit valorem Matrimonii, ita Matrimo-  
 nium consummatum impedit valorem profes-  
 sionis religiosæ, si fiat absque licentia conjugis,  
 & extra casum justî divortii, Cap. *Notificasti*, 33.  
 q. 5. Cap. *Veniens*. Cap. *Quidam*. De convers. con-  
 jug. potestque sic invalidè professus suâ sponte  
 redire ad sæculum, & in eo semper manere, eti-  
 amsi alter postea consenserit vel dederit causam  
 justî divortii, nisi post hæc professionem suam  
 legitimè ratificârit: Et talis professio de se non  
 habet vim voti simplicis aut Religionis postea  
 ineundæ aut servandæ castitatis aut non petendi  
 debitum, quæ quidem præsumuntur, secundum  
 Cap. *Quidam* & Cap. *Placet*, De convers. con-  
 jug. sed an ita sit, pendet ab intentione profiten-  
 tis, quæ exquirenda est. *Dixi*, si fiat absque li-  
 centia conjugis, & extra casum justî divortii,  
 quæ licentia vel divortium, si adsit, licitè & val-  
 idè profitetur, uti colligi potest ex dictis tum  
 hic n. 438. tum etiam l. 6. p. 2. n. 2220. ubi dixi,  
 talem etiam posse suscipere sacrum Ordinem.  
 Possuntque hæc omnia videri pluribus deducta  
 apud *Avers.* q. 15. f. 2. & 3.

§. 13. Huc spectat resolutio seqq. casuum. 1. 585.  
 Tutius invalidè professus, post elapsam quin-  
 quennium relatâ causâ invaliditatis, emissus,  
 vivit Matrimonium. *Queritur*, an validè. Ne-  
 gat *Pignat.* Tom. 1. consult. 88. referens multas  
 declarationes, quæ dicunt, ibi esse tacitam pro-  
 fessionem. Sed R. Quamvis Ecclesia prudenter  
 præsumat talem esse tacitè professum, sive, in-  
 terea ratificâsse professionem suam, vix enim es-  
 se potest, quin ratificaverit, cum tamdiu in Re-  
 ligione vixerit, tamen cum Ecclesia non possit  
 sup-



supplere consensum ad valorem professionis necessarium si re ipsa nunquam ratificasset, secundum dicta l. 4. n. 12. nunquam valuisset professio, & Matrimonium jam contractum esset validum. E contra, si etiam tacite tantum ratificaverit primam invalidam professionem, nec aliunde aliquid defuerit, secundum dicta l. 4. n. 31. est verè professus, & consequenter Matrimonium ejus est invalidum, & de hoc casu intelliguntur declarationes apud Pignatellum.

586. *Casus 2.* Berta potens probare se coactam vi esse ingressam & professam in Religione, post medium annum à professione clam profugit, & jam in Matrimonio est per decem annos, susceptis prolibus, petitque tandem, ut Judex ecclesiasticus habitam plenam probationem coactionis declarat Matrimonium & proles legitimas. *Quæritur*, an id fieri possit, Ratio dubitandi est, quia *Trid. sess. 25. De Regul. c. 19.* dicit: Regularem talem non esse audiendum, nisi intra quinque menses à die professionis causas deduxerit coram Superiori suo & Ordinario. Quod si antea habitum sponte dimiserit, nullatenus ad allegandum quamcunque causam admittatur, sed ad Monasterium redire cogatur, & tanquam apostata puniatur. Nihilominus quatuor Doctores facultatis Theologicæ Coloniae putarunt Judicem ecclesiasticum adhuc posse declarare professionem irritam, Matrimonium & proles esse legitimas, quia ignorantia Juris excusat in sexu foemineo: Et mulier, ut inquit Gloss. nov. in authent. *De incest. nupt. §. 1. Mascard.* De prob. vol. 1. concl. 74. n. 5. vol. 2. concl. 1080. n. 9. ignorat sua jura, quidve ipsi comperat. Et cum res integra non sit, præsumendum de benignitate Matris Ecclesiæ, quod conjuges illos



nolit manere in perpetuis animæ & corporis angustis.

586.

*Casus 3.* Cajus metu, quem probare potest, coactus, verbis tantum externis sine interno animo fecit professionem; cessante intra triennium causâ metûs, statim protestatur contra, sed non auditur à Superioribus, nec permittitur implorare Ordinarium, imò in carcerem conjicitur, è quo elabens, fugam arripit, dimisso habitu eâ intentione, ut intra tempus quinquenni sibi currentis impleret Ordinarium: Iterum deprehensus conjicitur in duriolem carcerem tandem interrogatur: num professionem suam velit ratificare, aut aliàs damnari perpetuo tali carcere: cumque non esset aliud evadendi medium, Cajus obtulit ratificationem, sed non aliter ratificat, quàm priùs illam fecerat, scilicet sine animo se obligandi. Liber factus habitâ occasione iterum fugit, sed cum nullibi tutus confiteret, ex desperatione, militiæ nomen dedit, nec amplius sui juris, per annos 12. in ea mansit. Redux inde reassumpfit coram Ordinario suam reclamationem: sed fortuitò incidens in notitiam cum Caja, cum hac, totum negotium ignorante, contrahit Matrimonium in facie Ecclesiæ, & ex ea tres proles suscitatur. *Queritur* 1. an Cajus possit ab Ordinario loci restitui in integrum contra lapsum quinquenni. 2. An, ut audiatur ab Ordinario & Superiore loci, è quo profugit, compelli debeat ad reassumendum prius habitum.

*Respondeo ad 1.* affirmativè, 1. quia restitutio in integrum nunquam intelligitur exclusa, nisi specialiter sit prohibita, *Socin.* & alii communiter, sed non est prohibita in casu hoc, quo injur

Tom. VIII.

B b

A e



itè negata est omnis via reclamandi; nec ullibi  
 Papæ reservatur restrictio in integrum, *Zypæus*  
 in *Analyti Juris Pontif. De Regul. n. 47. 1.* Ca-  
 jus reclamavit ante lapsum quinquenni, quod  
 satis est, non enim requiritur, ut causa absolva-  
 tur ante quinquennium. 3. Ordinarius potest  
 in sua diocesi, quod Papa in orbe, nisi speciali-  
 ter reservetur vel prohibeatur, *Barb. De Jure ec-  
 cles. l. 1. c. 8. n. 20. Sperell. decis. 110. n. 21. &  
 Trid.* in omnibus causis concedit primam in-  
 stantiam Ordinariis, exceptis solis causis tra-  
 ctandis secundum Canones apud Sedem Apo-  
 stolicam, quod de hac causa nullibi dicitur. Si  
 dicas, Ordinarius videtur hic esse delegatus, de-  
 legatus autem nõ potest restituere in integrum,  
*Cap. Causa, De restit. in integrum. R. n. esse de-  
 legatum, nam Trid. sess. 25. c. 19. De Regul. dicit,*  
*causam pertinere ad Ordinarium & Superiorem*  
*regularem, nullã factã mentione delegationis &*  
*licet Ordinario adjuncta sit jurisdictio etiam*  
*circa exemptos, per tale additamentum non fit*  
*jurisdictio delegata, Salgado De retent. Bulla: p.*  
*2. c. 25. Vide De Luca De Regul. d. 8. n. 7. & d.*  
*16. n. 13.*

Redeo ad 2. *Fagn. ad Cap. Perlatum De his, quæ vi-*  
*metusve caus. n. 52. Covarr. & alii videntur di-*  
*cere, non audiendum, nisi in habitu, quia Trid.*  
*videtur Ordinario jurisdictionem concedere*  
*tantum pro casu, quo intra quinquennium cau-*  
*fas deduxerit, manens in Monasterio: nam ad-*  
*dit; Quod si antea habitum sponte dimiserit, nullatenus*  
*ad allegandum quamcumque causam admittatur, sed*  
*ad Monasterium redire cogatur, & tanquam apostata*  
*puniatur. Unde de hoc casu egressus dimissio ha-*  
*bitu, Pignat. tom. 9. conf. 173. n. 4. ait: Trid.*  
*velle,*



velle, quod prius resumat habitum, & postea admittatur ad adducendum causas nullitatis, alioquin vult agendum cum ipso, prout cum apostata. Similiter Barb. Depotelt. Episc. alleg. 104. n. 14. ait, dimissionem habitus non impedire, ut regularis non audiatur, si postea eundem reassumat. Contradicit Sanch. l. 7. d. 37. n. 3. ubi ait: limitandum est, nisi professus is justam dimittendi habitus causam haberet, vel si non posset obtinere licentiam eundi ad reclamandum, nec ire, nisi habitu deposito, aut non permittitur causas nullitatis proponere coram Ordinario: & ob id habitu dimisso fugit, ut reclamet, quippe *Trid.* temerariam habitus dimissionem punire intendit; at non temere dimittit, qui ut allegando causas nullitatis, remedio Juris concessio uti possit, id efficit, sic *Nav. Az.* Addit *Sanch.* n. 11. fictè professum posse, cessante scandalo & omisâ reclamatione, & non deductis causis coram Ordinario ac Superiore, fugere, nec teneri redire ad Monasterium, nec esse apostatam. Hinc videtur dicendum, cum Cajus injustè impeditus sit, quominus ageret, potuit dimisso habitu fugere, ut ageret; & cum nullibi tutus esse posset, quod se dederit militiae, videtur fecisse coactus, deserere autem militiam vel non potuit, vel non est ausus; & cum dimissus à militia statim inceperit iterum agere coram Ordinario, non videtur excludendus beneficio restitutionis in integrum apud Ordinarium, nec ipsi tutum est redire ad Ordinem, in quo fortè libertatem non haberet agendi causam suam apud Judicem competentem.

Q. 80. Quid addendum sit circa cognationem legalem. §. 1. Adoptio tum dicitur perfecta sive

Bb 2

arro-